

AUGLÝSING

um breyting á auglýsingu um fyrirmynd að byggingarsamþykktum nr. 97 18. ágúst 1948.

Samkvæmt lögum nr. 19 20. október 1905, um byggingarsamþykktir, sbr. lög nr. 84/1943, um breytingar á þeim lögum, og lög nr. 55/1921, um skipulag kaupstaða og kauptúna, og síðari breytinga á þeim lögum, gerði ráðuneytið fyrirmynd að byggingarsamþykktum fyrir kaupstaði og kauptún, sem prentuð var sem fylgiskjal með auglýsingu nr. 97/1948.

Leiðréttingar til samræmingar á ofangreindri fyrirmynd að byggingarsamþykktum fyrir kaupstaði og kauptún hefur verið gerð og er hún birt hér á eftir sem fylgiskjal.

Félagsmálaráðuneytið, 13. marz 1963.

F. h. r.

Hjálmar Vilhjálmsson.

Hallgrímur Dalberg.

Fylgiskjal.

Leiðréttingar til samræmingar á fyrirmynd að byggingarsamþykkt, sem prentuð er sem fylgiskjal með auglýsingu nr. 97 18. ágúst 1948, í B-deild Stjórnartíðinda það ár.

I. kafli, 2. gr. 2. liður: Reglulegir fundir skulu að jafnaði haldnir o. s. frv. Á að vera: Reglulega fundardaga ákveður nefndin sjálf með fundarsamþykkt.

I. kafli, 2. gr. úr 2. lið: Málefni, sem koma eiga fyrir byggingarnefnd, skulu koma til byggingarfulltrúa fyrir hádegi þriðjudag næsta fyrir fundinn. Á að vera: Málefni, sem koma eiga fyrir byggingarnefnd, skulu koma til byggingarfulltrúa a. m. k. tveim dögum fyrir byggingarnefndarfund.

II. kafli, 4. gr. úr 2. lið: Sé hús í samfelldri húsaröð, skal á uppdrætti sýna hluta af aðliggjandi húshliðum. Á að vera: Sé hús í samfelldri húsaröð, skal á uppdrætti sýna aðliggjandi húshliðar.

II. kafli, 4. gr. 8. liður: Uppdrættir og útreikningar skulu gerðir af sérmenntuðum mönnum, húsameisturum, verkfræðingum, iðnfræðingum eða öðrum o. s. frv. Á að vera: Uppdrættir og útreikningar skulu gerðir af sérmenntuðum mönnum, húsameisturum, verkfræðingum eða öðrum o. s. frv.

II. kafli, 5. gr. 1. liður: Hvenær járn verði lögð í járnbenta steypu. Á að vera: Hvenær járn verði lögð.

III. kafli, 6. gr. úr 4. lið: — að eftir sé óbyggður helmingur af flatarmáli allra bygginga á lóðinni. Á að vera: — að eftir sé óbyggður helmingur af flatarmáli lóðarinnar.

IV. kafli, 14. gr. 2. liður: Þrep út að götu má ekki ná meira en 25 cm út fyrir götulínu, enda sé óteppt af ganstétt 1.60 m. Á að vera: Þrep út að götu má ekki ná meira en 25 cm út fyrir götulínu, og gangstéttarbreidd frá þrepi minnst 1.60 m.

V. kafli, 17. gr. 1. liður: — í ákveðnum hlutföllum eftir rúmmáli. Á að vera: — í ákveðnum hlutföllum eftir rúmmáli eða þunga.

IX. kafli, 1. liður: — eftir formúlunni $b \times h^2 \leq 140 \times e \times l^2$, en $b \times h^2 \leq 155 \times e \times x^2$ o. s. frv. Á að vera: — eftir formúlunni $b \times h^2 \leq 140 \times e \times l^2$, en $b \times h^2 \leq 155 \times e \times l^2$ o. s. frv.

X. kafli, 28. gr. 10. liður: Öll eldunar- og hitunartæki, sem geta orðið heitari en 100° Celsius, skal setja minnst 23 cm frá timbri eða viðarlíki, þótt ekki séu hituð með eldi. Á að vera: Öll eldunar- og hitunartæki, sem geta orðið heitari en 100° Celsius, þótt ekki séu hituð með eldi, skal setja minnst 23 cm frá timbri eða viðarlíki.

XIII. kafli, 32. gr. 3. liður: Í þeim húsum, sem ætluð eru til iðnaðar eða einhvers verknaðar að fylgt sé fyrirmælum heilbrigðissamþykktar eða eftir atvikum brunamálasamþykktar o. s. frv. Á að vera: Í þeim húsum, sem ætluð eru til iðnaðar eða einhvers reksturs að fylgt sé fyrirmælum heilbrigðissamþykktar eða brunamálasamþykktar o. s. frv.

XIII. kafli, 33. gr. úr 1. lið: — enda þótt annars sé krafizt, o. s. frv. Á að vera: — enda þótt að jafnaði sé krafizt, o. s. frv.

XV. kafli, 36. gr. 2. liður: Fyrir leyfi til að gera breytingu á húsi skal greiða 10 krónur í sveitarsjóð og 10 krónur fyrir hvert annað leyfi til að reisa mannvirki eða breyta því. Á að vera: Fyrir leyfi til að gera breytingu á húsi skal greiða 10 krónur í sveitarsjóð.

XVI. kafli, 37. gr. 1. og 2. liður: breytist í einn lið þannig: Samþykkt þessi tekur til allra nýrra húsbýgginga og mannvirkja, sem ekki eru fullgerð, þegar hún öðlast gildi, þó svo, að ekki verður krafizt niðurrifs á því, sem verið er að gera með heimild í fyrri byggingarsamþykkt.

SAMÞYKKT

um sveitarstjóra í Stokkseyrarhreppi.

1. gr.

Hreppsnefnd kýs sveitarstjóra og skal ráðningartími hans vera til loka kjörtímabils hreppsnefndar.

2. gr.

Laun sveitarstjóra skuli vera kr. 7000.00 á mánuði, auk ferðakostnaðar í þarfir sveitarfélagsins.

3. gr.

Sveitarstjóri annast öll þau störf, sem oddvita eru falin samkvæmt 39. gr. sveitarstjórnarlaga, nr. 58 29. marz 1961.

4. gr.

Sveitarstjóri skal fara með framkvæmdastjórn, bókhald og fjárreiður fyrir rafveitu hreppsins og sjúkrasamlag, svo og önnur þau fyrirtæki, sem hreppurinn þarf að veita forstöðu og annast bókhald fyrir, svo sem útgerðarfyrirtæki, sem hreppurinn á hluta í og aðrar framkvæmdir, er ráðist verður í á vegum hreppsins á ráðningartíma sveitarstjóra.

Samþykkt þessi, sem hreppsnefnd Stokkseyrarhrepps hefur samið og samþykkt, staðfestist hér með samkvæmt lögum nr. 58 29. marz 1961, til að öðlast gildi þegar í stað.

Félagsmálaráðuneytið, 16. marz 1963.

Emil Jónsson.

Hjálmar Vilhjálmsson.